

48. 24.
DISSERTATIO INAUGURALIS MEDICA,
DE
SUPERSTITIO
NE MEDICA, 22

Quam,

PROPTIO NUMINE DIVINO
GRATIOSÆ FACULTATIS MEDICÆ CONSENSU,

P R Æ S I D E

DN. D. MICHAELE ALBERT

POTENTISSIMI REGIS BORUSSIÆ CONSILIARIO A
LICO, MEDICINÆ ET PHILOSOPHIÆ NATURALIS PRO-
FESSORE PUBLICO ORDINARIO, ACADEM. CÆ-
SAR. NAT. CURIOS. COLLEGA,

FACULTATIS MEDICÆ DECANO SPECTATISSIMO,

PATRONO PRÆCEPTORE AC PROMOTORE SUO

CUM HONORIS CULTU PROSEQUENDO,

PRO GRADU DOCTORIS

SUMMISQUE IN ARTE MEDICA HONORIBUS, INSIGNIBUS
AC PRIVILEGHS MORE MAJORUM SOLENNI OBTINENDIS,

HORIS ANTE-ET POMERIDIANIS.

D. OCTOBRIS MDCCLXX.

PUBLICÆ VENTILATIONI SUBMITTET,

DAVID GODOFRED. KLETSCHKE

ZÜLLICHIO - SILES.

HALÆ MAGDEBURGICÆ,

Typis IOANNI CHRISTIANI HENDELII, Acad. Typogr.

DISSERTATIO DE MORBIS MEDICIS

SUPPLEMENTUM AD

PROPOSITIO PRIMA
DE MORBIS MEDICIS

DR. D. MICHAELIS
MEDICINAE DOCTOR
FACULTATIS MEDICINAE
UNIVERSITATIS

PRO GRADU DOCTORIS

SUBMITTIT IN ACADEMIA
PUBBLICA
D. D. MICHAELIS
FACULTATIS MEDICINAE
UNIVERSITATIS

DAVID GOLDBERGER

THE LIBRARY OF THE
UNIVERSITY OF CHICAGO



PROOEMIUM.



Medicæ artis laudes & merita describentes ac commendantes inter alia argumenta atque momenta polymathiam illius declamare & celebrare sciunt, quod videlicet omnes ferme reliquas scientias & artes quoad fundamenta sua comprehendat, imo complecti debeat: quare *Valesius in declamatione pro laude medicinæ medicum perfectum ex omni doctrinarum Encyclopædia constare posse asserit; conf. Just. Verpius Haganus in orat. an in medicinâ varia cognitio requiratur: quam considerationem fusius Cass. Rejes Qu. Juc. Camp. Elys. qu. 2. perpendit & inter alios Isidorum & Erasmus allegat, qui profitentur Medicinam scientiam esse non unam aut alteram, sed omnium consortio consummatam: cum quibus consentit Porphyrius, qui in honorem Medicinæ differit: hæc est ars cui sese omnis pariter sapientia debet & quibus suum suffragium addit Tiraquellus n. 73. quando dicit medicinam*

ex omnium artium cognitione constare: quare ipsi artis medicæ primi & principes Præsules & Coryphæi Diis suis honorem tribuerunt, quod ipsi medicinam invenerint & mortalibus communicaverint, proinde illos Diis similes futuros judicarunt, qui in hac arte bene versati sunt, quibus ipsis animadversionibus implicate indicarunt, quod in studio medico omnes vires humanæ concentratæ sint, hinc in eodem plus quam humanum quid valere, declararunt: quemadmodum enim Medicina immediate ab ipso Deo quoad fundamenta sua pendet, ita omnis Medicus bonus Theologus esse, opera Dei manifestare, explicare, imitari & venerari, quid quod gratiam & benedictionem Dei sibi conciliare debet, quia Medicinæ author, protector & Sator est Deus: porro Medicina suum cuique exacte tribuere, omnem iniquitatem, quæ rempublicam & œconomiam vitalem turbare & evertere conatur, abigere & expellere, ordinem naturæ tueri, justos ac salutares processus & successus motuum vitalium conservare & defendere, adeoque justitiam in omnibus suis actionibus exercere debet: subinde etiam convenit in medicina omnia secundum rectam rationem administrare, juste concludere, exacte comparare, bene definire, rite distinguere, apte connectere & juxta Hippocratis monitum à ratione non discedere: multum etiam interest, quo Medicus morali philosophiæ studeat, quare Galenus II. Epid. Sect. 5. text. 1. & ex eodem Valesius confitentur, quod Philosophia morum sit pars Medicina & ut Plato in Cratilo eloquitur: munus medici est corporis animique puritatem servare: & quidni studium physicum pro medico

medico absolute necessarium vulgo reputetur! dum ad studium medicinæ notitia corporis humani & singulorum illorum subjectorum naturalium, quibuscum illius integritas adjuvari potest, refertur, ita ut partim illorum elementa, partim vires & relationes erga se invicem debite explorentur: hinc pro necessitate, utilitate & autoritate philosophiæ naturalis pro medicina pervulgata illa *Hippocratis* oracula & testimonia allegari solent: *conare ut physicus evadas; ubi desinit physicus, ibi incipit medicus*: hæc consideratio licet cum eximio rationum & demonstrationum apparatu confirmari & pro peculiari themate reservari possit, brevibus tamen indicatum fuit, quod *Seneca s. controvers. aphor. 1.* de arte medica elocutus est: *medicinam, inquit, relinquo, multum laboris, multum vigiliarum*: Ast quo magis amplius est campus, per quem ratio & experientia medica decurrit, eo plus vero vicissim prudentiæ requiritur, ne tantæ dignitatis, utilitatis, necessitatis & autoritatis ars tot erroribus, vitiis & criminibus dehonestetur & obscuretur: & quis condigne sane multitudinem errorum in medicina occurrentium enarrare atque carbone depingere poterit? imo quo numerosiores sunt scientiæ & artes cum quibus medicina commercium habet, eo major circumspectio est observanda, ut suum cuique tribuat ars medica, neve ob multitudinem considerationum in perniciosam confusionem & veritatum corruptionem ruat: & cum *Beroaldus in enarrat. quest. Tuscul.* ad eo magnifice medicinam extollat, dicens: *quis nescit medicinam ad omnes totius civitatis ordines, ad omnem sexum, ad omnem ætatem pertinere, cum summatibus, infirmatibus,*

matibus, viris, fœminis, senibus, pueris agrotare contingat, cum omnes ab hac utilitatem petant indiscriminatim, meritoque dici potest, medicinam rem communem terrarum esse. &c. ita maximo studio anniti decet, quo tam celebris ars ab omni nævo, macula & vituperio repurgetur & liberetur: quid vero magis Medicinæ florem, honorem & splendorem contaminat, quam fœda superstitio, quæ undique illam premit & affligit: quare Langius in præfat. Epist. medic. ingemiscit: salutare summi Dei donum medicinam anus vaticina, sycophanta & agyrta suis imposturis, arte magica & Idololatria superstitionibus ac incantamentis profanat & conspurcat: & cum superstitiones non modo vilioris & ignobilioris sortis homines occupent, sed subinde alia ingenia hac labe laborent, hinc nobiscum constituimus præsentis Inaugurali dissertatione brevissimis & quoad principales quasdam circumstantias SUPERSTITIONEM MEDICAM annotare & indicare: Faxit DEUS ut Medicina ab hoc vitio liberetur & propositum nostrum bene cedat.

§. I.



Superstitionem Medicam brevi delineatione exponentes, necesse esse ducimus, quo mox in limine præsentis tractationis significemus, quid hoc titulo denotare placeat: haud vero fusius ex Servio, Seneca, Cicerone, Lucretio, Lactantio, Gisberto, Voetio, Vossio etymologiam & antiquitus receptam adeoque inter grammaticos & philologos agitari solitam acceptionem repetere & allegare. Sed nostram mentem circa
super-

*superstitionis indolem sine ambagibus explicare lubet: est vero superstitio falsa aut erronea opinio atque existimatio de diversis subjectis naturalibus vel realibus vel fictis & imaginariis, quoad vires, usus & utilitates, qua communiter divina quædam potestas tacite, aut cum aliqua profanatione colitur & frustra accusatur; hinc superstitio audit, qua cum aliquid creditur, quod adhuc superstat, i. e. quod supra ordinarias & evidentes vires aut supra probatas & exploratas facultates alicujus subjecti stat, hinc superflua fides & fiducia superstitio est: pro hujus adumbratione & coloratione ut plurimum superstitio Deum in subsidium vocat, quando Deo plus attribuitur, ac ipse tum operibus tum verbo sese notum fecit, eapropter superstitiosi speciem præ se ferunt, ac si semper circa Deum versentur, ac si in omnibus & minutissimis Dei gloriam prosequantur, sed eo ipso excedunt & veram gloriam Dei contaminant, quando almo Creatori talia imputant, quæ ab eodem minime profluunt ac dependent: hinc superstitiosus à gallis dicitur Bigot, quod annotante Martinio circa notionem superstitionis idem est ac bey Gott sive bie Gott, quasi superstitiosi deo plus adharere videantur ac alii: à germanis vocatur *Uberglaube*, quasi aberrans fides *abglauben*: vel quasi id, quod superstitionis tractat, sit supra fidem, videlicet veram, *Uberglaube* fides altius scandens, quam oportet: inde est cur superstitiosi egregiam quasi speciem religionis & cultus divini præ se ferant & opinioniones suas cum patrocínio & autoritate Dei exornare contendunt, licet talis superstitionis haud difficulter & operose Idololatricæ speciebus accenseri queat, quando videlicet in & sub fictis qualitatibus Deus colitur, aut ex certis opinionibus, quarum fundamentum perperam Deo imputatur illius sapientia, clementia, omnipotentia &c. deprædicatur: idem in antiquissimis temporibus contigit, ut nomen Dei per deprædicationes certarum potestatum divinarum magis profanatum, quam pio cultu celebratum fuerit; cujus considerationis mentio occurrit in *Illustris Stablii opuscul. phys. chym. med. p. 700. seqq.* ita mirum esse haud potest, cur inter posteros similis divini nominis profanatio, falsa provocatio & fictarum qualitarum declamatio adhuc vigeat: ecquid*

ecquid enim ex ejusmodi *superstitioso* cultu divino aliud evenit, quam talis ἀγῶστος θεός, qualem *superstitiosi* Athenienses adorabant, de quibus *Acta Apost. cap. 17. v. 21.* dicunt: Athenienses omnes & illi qui veniebant illuc peregrini, de nulla aliare solliciti erant, nisi ad dicendum & audiendum aliquid novi: v. 22. & cum staret Paulus in areopago dixit, viri Athenienses video ego vos quod in omnibus excellitis in religione demonum; aut conspicio vos quasi religiosiores, juxta versionem & interpretationem Junii & Tremellii, detineri nimio atque perverso timore deorum vestrorum; qualis perversus deorum timor antiquis *superstitionem* efficiebat: inde innotuit versio B. Lutheri: Ihr Männer von Athen ich sehe euch, daß ihr in allen Stücken allzu abergläubig seyd: & hæc est δεισιδαιμονία metus & perversus Deorum cultus.

§. II.

Et ita nunc facile liquebit, quid per *Superstitionem Medicam* intellectum habere velimus, dum videlicet divina & celebris hæc ars similibus *navis* laborat, ut in eadem diversa sentiantur, statuantur & supponantur, quæ vano quodam zelo atque religioso cæco rigore sine ullo solido fundamento & sapientia & omnipotentia divina imputantur, in quo conatu nonnullæ hypothèses & sententiæ medicæ, quæ interdum ingeniosum & prematurum rationis humanæ solum constituunt, protectionem, patrocinium & presidium suum quarunt: placet itaque nonnulla specimina producere talium *superstitionum*, quæ in foro medico passim vigent & occurrunt, ut inde comprehendamus quænam Deo & quæ rationi humanæ tribuenda sint: neque quidem adeo facile ejusmodi asserta tam sacra arti damnum quoddam afferrent, si eadem non tam rigoroſe veritatibus medicis accenserentur, sed *superstitionum* & opinionum humanarum classi relinquerentur, ast cum tales *superstitiones* cum pelle & splendore veritatis superbiant, vix mirum esse debet, cur tantis fatis ac confusionibus submittatur Medicina: Neque nobis animus est presenti labore *superstitiosas curationes* medicas ex proposito commemorare, qui labor si pro merito expendendus & deducendus esset, peculiare opus constitueret, neque

que in talem opellam comprehendi posset; unde *cursoria* quasi pensitatione *nonnulla eminentes* superstitiones indicari debent: & licet *Medicina* proximè à Deo originem suam habeat, attamen vix tam *sacra* hæc est ars, quin eandem *copiosissima* superstitiones contaminent: & heu! quot non *genera, species, nationes, ætates, sexus, sortes, conditiones* hominum medicinam tanquam *mercenariam* rem tractant! & quantæ inde non *accumulabuntur* superstitiones: hinc simplex opilio, superstitiosa anus, fraudulentus agyrta varias opiniones, persuasiones, observationes, imaginationes & traditiones declamat & propagat: neque tantum *hujus sortis* homines *tantis* erroribus patrocinantur, sed & sciolli & *emunctæ* naris homines sub *diversa sapientiæ* larva ad varias superstitiones viam monstrant & aperiunt: inde pro dolor contigit, ut plurimarum fermè *superstitionum* fundamenta in *Medicina applicata, confirmata & propagata* deprehendantur: & quemadmodum quædam superstitio crassa, alia vicissim *subtilis* est, ita sane *prudentiæ* opus est, ne sub *vulgatis* opinionibus in *optima* hominum ingenia ejusmodi *subtiliores* superstitiones insinuentur & inspergantur, quare non modo *scæda* talis *superstitio* in corrumpendis hominum animis *pro se* militat, sed & vana illa *credulitas* sororias fidasque manus eidem subministrat.

§. III.

Quo itaque ipsam rem tractemus proximum nunc erit, ut *aliquot specimina talium* superstitionum producamus, quæ in foro *medico* enutrirî & propagari solent: placet vero pro meliori ordine nonnullas superstitiones quæ in *Medicina theoretica* occurrunt, allegare, deinde alias etiam annotare, quæ ad *Medicinam Practicam* spectant: In *Theoria Medica* sane *principalissima* & cardinalis est superstitio, quando pro *tutela* variarum sententiarum, admodum *suspectarum* & male *coherentium*, subito ad *potestatem Creatoris* provocatur, indeque concluditur quia Deus potuit hoc vel illud ordinare, disponere, efficere, producere, qualifi are &c. ergo ipsa res se ita habet, prout præsumitur, præfiguratur, traditur, concipitur

B

& fin.

& fingitur; inde *præcox* invaluit & increbuit *conclusio* à posse ad esse: & si quis de veritate & certitudine talium hypothesium dubitaverit, mox superstitiosa irrumpit oblocutio, *ecquis dubitet!* nonne Deus hoc aut illud efficere potuit! *itane manus dei omnipotentis sive Jehova curta est Numeri XI. v. 23. an angustatus esset Spiritus Jehova Micha II. v. 7.* exinde vero eminet illud præcipitatum & superstitiosum refugium ad Deum, quando falsæ persuasiones mox cum omnipotentia dei confunduntur; dum nullus sane dubitare poterit, quod non Jehova omnia efficere valuerit: de eò tantum disceptatur, *an* etiam omne id, quod deus potuit, etiam actu præstiterit: & hac superstitione multæ theoriæ medicæ, harumque refugia nituntur, quare præsentem considerationem instar *normæ* producere placuit, secundum quam ejusmodi *colorationes* sententiarum medicarum examinari possunt: neque quidem ita confestim *specialissima* talia theorematum medica allegare lubet, in quorum patrocinium hæc provocatio ad omnipotentiam divinam adhibetur, cum in sequentibus animadversionibus ejusmodi sententiæ medicæ paulo clarius idem affirmabunt, quam ludicre sæpe hæc divina potestas accusetur, quo valet *Psalms. 50. v. 16. improbo autem dicit Deus: quid tua ut enarres decreta mea & assumes fœdus meum in ore tuo:* ejusdem census ac valoris est, quando in causa falsa sapientia Dei declamatur; qualis abusiva qualitatum divinarum veneratio admodum fugienda est, dum satis sæpe in ejusmodi opinionibus, *imaginationibus* & traditionibus aut suppositis qualitatibus sese divina sapientia non prodidit: ita v. g. *superstitiosa veneratio omnipotentiae & sapientiae divinae* est, quando certis remediis vis & energia illa inesse creditur, qua hunc vel alium morbum curare queant, quoniam medicamenta quidem certam efficaciam habent, quod vero Deus ipsis tales vires concesserit, quibus per se morbos subjugare possint, veritati omnino repugnat; inde tamen contingit, ut frequentius in inversa & perversa causa, nec non in confuso ordine adeoque superstitiose Deus colatur, nam Deus est Spiritus, & qui adorant eum, oportet ut Spiritu & veritate adorent, *Joh. 4. v. 24.*

§. IV.

Adhuc *crassius* in superstitione medica hærent, qui non modo à *possibili* argumentantur, sed qui mox *precoci* animo ad *voluntatem* Dei confugiunt & cum *majori* rigore adstruunt, *Deum* hoc vel illud voluisse, quod nonnulli *fingunt* atque supponunt, iterumque suas *opiniones* cum *præsidio* *authoritatis* divina præmuniunt: etenim quando *vires* & *facultates* quædam in aliquo *subjecto* *difficulter* demonstrari, concipi & explicari possunt, tunc passim *pervulgatum* illud *asylum* innotuit, *Deus* ita voluit, ubi interdum ita temere Deo talia imputantur, quæ nullo modo demonstrari possunt, quod Deus illa ita esse voluerit: v. g. si quis *ambigit*, an *materia* habeant *vires* *motrices*? mox resonat illud *Deus* ita voluit! si quis dubitat, an *subjectis* *corporeis* *concredita* sit *facultas* *sentiendi*? mox excipit exclamatio, *Deus* ita voluit! si quis negat quod *Spiritus* cum *facultate* *movendi* præditi sint, quod tam exactum *influxum* in partes servant &c. mox regerit ratio, *Deus* ita voluit; missis pluribus similibus *speciminibus* *sententiarum* tam *physicarum*, quæ ad *theoriam* medicam applicari solent, quam *pressius* *medicarum*, ex quibus nonnulla in sequentibus speciali cura annotabuntur: quidni vero *superstitionibus* medicis annumerari debeat, si tales *opiniones* sub pallio *veritatis* cum *præsidio* *voluntatis* divina superbiunt, nam Deum talia voluisse citius ore enunciatur, quam *solide* demonstratur; hinc evenit, ut qui de eo dubitare veretur, an etiam Deus talia voluerit, *cæco* quodam affectu illam exclamationem, quod Deus hæc voluerit, *credat*, adeoque *plus* credat, quam quod *veritati* respondet & dum *superflua* credit, *superstitionem* medicam committit; quod vero Deus non omnia illa voluerit, quæ vulgo illius voluntati imputantur, diversa momenta comprobant: Deus enim amat *ordinem*: nunc enim è *communi* hac hypothefi varia Deo adscribuntur, quæ *ordinem* *violant*, quæve propterea *minime* voluntati divina adjudicari possunt: deinde hæc hypothefis, prout ex *communi* illius usu judicare licet, illis *refugiis* annumeranda est, quando *alie* *solidæ* *rationes* & *demonstrationes* deficiunt, ut ita sapissime *præceptis*

salutem ad *voluntatem divinam* instituatur, ex qua circumstan-
tia proinde hæc sententia satis suspecta minusque ingenua
est: porro communiter *nulla parallela* animadversiones occur-
runt, quæ hanc sententiam, qua ita *ludicre* divina voluntas
accusatur, *roborare* possunt: v. g. an *alibi* subjectis *corporeis*
concessa sit *energia movendi*, ut exinde *conclusio* formari possit,
ergo *spiritus* per *voluntatem dei* movere possunt: aut an de
aliis materiis facultas *sensitiva* prædicari possit: & cum sine
ullo *præjudicio* aut *hypothesi* tales facultates in subjectis *incor-*
poris deprehendantur, ita ex nuda *superstitione* eadem quali-
tates in *alia* subjecta transferuntur: id quod hoc loco tanquam
in aliquo exemplo proponere placuit, licet hujus confide-
rationis plura exempla proferri & applicari queant.

§. V.

Superstitionibus Medicis porro annumeramus illam
vulgarem opinionem & *traditionem* de certis & *determinatis* *figura-*
rum speciebus in *diversis* *corpuseulis* partium *fluidarum*, ut & in *di-*
versis *porulis* partium *solidarum*: vix vero negamus, quod
ejusmodi partes *omnino certas* *figuras* habeant, siquidem pla-
ne *materiæ primæ*, sive *principia elementaria*, quia *extensionem*
physicam habent, etiam sine omni dubio cum certa *figura* præ-
dita sunt, quæ tamen ita *exacte* & *pro certo* quoad *speciem* suam
determinari minime facile & ubique potest: & licet inter-
dum oculus *armatus* *peculiares* *figuras* in quibusdam parti-
bus comprehendere possit, tamen hæc notitia *ultra* *suos limites*
minime est extendenda, neque in hoc casu *phantasia* & *imagi-*
nationi indulgendum est: haud enim *sufficit*, *quomodo* hoc
aut aliud quisquam *concipere* & sibi *imaginari* possit, sed præ-
stat rectius *veritati* studere: nam *phantasia* innumera sibi præ-
figurare potest, propterea vero illa *imaginatio* non *indubia*
est: ita sane *falsa* est assertio, quod *omnia fluida* *figuram sphericam*
habeant, quoniam corpora *rotunda mobilia* existunt, hinc
à *crassis* corporibus confestim *argumentatio* ad *subtilia* institui-
tur: quasi vero ipsa *subtilitas* corporum *qualitercunque* *figura-*
torum non *æque facile* mobilitatem adjuvet, ut corpora trian-
gula-

gularia, quadrangularia, cubica, modo subtilia sint, simili agilitate gaudeant; ita etiam evenit, ut sufficiens motus corpora cujusque figuræ rapidissimè actuet, ut aqua & olei instar fluant: quis v. g. regulo antimonii adscribat figuram rotundam & tamen ipse sub applicatione potentioris motus in aqueam fluiditatem converti potest: & licet juxta hypothesein aqua sphericam figuram possidere debeat, quis & quomodo quæso hanc figuram aquæ aufert, quando in glaciem convertitur? quando itaque nonnulli tam exquisitam speciem figuræ promiscuè in aliquo subiecto supponunt, tunc eo ipso plus credunt ac veritati quadrat & dum creaturis aliquid affingunt, de quo non apodictice asseverare possunt, quod illud creaturis insit, hinc superstitionem committunt, dum tantum talia sibi imaginantur, adeoque ex imaginariis principiis indubias, certas & demonstrativas veritates proponere non erubescunt: hujus indolis sunt principia materialia, quæ finguntur excavata, lucida, radiantia, teretia, tortuosa, hastata, hamosa, cuspidata &c. ubi frustranea erit excusatio, quando hæ opiniones in dubium vocantur, quasi contra principia disputandum non sit: etenim si principia sunt fœtus ludentis & petulantis phantasiæ, quis ita credulus fuerit, ut illas speculationes, quæ ex ejusmodi imaginationibus ortum traxerunt, pro seriis & utilibus demonstrationibus atque veritatibus æstimet! & ejusmodi theoria quæ super talem arenam ædificata læst, facile corrui. & magnam ruinam patitur, dum in eadem superflua creduntur, & incerta pro certis supponuntur, unde superstitio emergit: ita ejusdem census est theoria de secretionibus humorum, quæ hac proportionem & relationem figurarum in humoribus sive particulis & poris secretoriorum organorum nititur.

§. VI.

Non exigui valoris superstitio medica theoretica est, quando animæ humane jus & potestas movendi corpus denegatur ex illa persuasionem, quia anima incorporea, adeoque nobilior spiritus est, qui tantum circa abstractiones versatur, neque crassum & crudum corpus citra violationem dignitatis suæ movere debet.

aut potest: hinc sæpe *altius* de anima judicatur, cum vicissim multis modis demonstrari possit, quod omnino *anima corpus* suum, quod inhabitat, *moveat*: neque adeo *magni ponderis illa ratio est*, quasi *propterea anima corpus movere nequeat quia incorporea existit*: nam *antiqua illa traditio*, quasi inter *corporeum & incorporeum* nullum commercium detur, à *veritate* perquam distat: & licet *incorporeum* subiectum aliud *corporeum* non per *contactum physicum* offendat, aggrediatur & amplectatur tamen exinde *non sequitur*, quasi *incorporeum* cum *corporeo plane non* convenire possit, medium enim per quod principium *incorporeum* in subiectum *corporeum* operatur, ita est dispositum, ut ex illo egredi & in hoc progredi commode valeat, quod præcipue de *Motu* dictum sit: sed quis ita *superstitiose* de anima judicaverit, quasi illa tantum circa *siblimiores* operationes versetur & corporis sui *integritati* inhærere & invigilare non debeat! cum *ipsa sit propter corpus & hoc sit propter animam*: ecquis negare poterit *commercium anima cum corpore* in motibus *voluntariis* & *communione patheticarum*, *commotionum cum motibus vitalibus*! quanti vero valoris sint *argumenta*, quia anima de corpore suo non cogitat, quia *arbitrarie* motus internos *imminuere, augere & mutare* non potest, quia sæpe *perniciosæ* operationes deprehenduntur, ergo motus *vitales* ab *anima* non administrantur, iudicet cui placuerit: interea negari non potest juxta *communem hypothesein* quod *spiritus animales* ab *anima* impelli debeant, quod *anima* hos *spiritus proportionate, accurate & exacte dirigere* debeat, quod tamen de hoc actu *anima non cogitet*, quod *anima* hos motus non possit secundum *nutum, beneplacitum & arbitrium* suum immutare, quod interdum ex *hiscemotibus sinistri effectus & eventus* prodeant: inde sane aperte liquet, quod hæc *considerationes* non bene *convenient*, quoniam ex *falso fundamento & principio* fluunt: adeoque pro *superstitione æstimamus*, quando tam acriter *animæ energia in corpus humanum & œconomiam vitalem* administranda, *denegatur*, quia est *anima*, quia est *cogitans*, quia est *incorporea*, quia non omnia secundum *voluntatem* suam in corpore

pore operari potest; quibus animadversionibus occasio præbe-
tur *altius* de anima sentiendi, aut *talìa* ipsi affigendi, quam veri-
tati respondet, cum potius per ejusmodi asserta *animæ* capaci-
tates & *activitates* imminuantur, infringantur & proscindantur,
cum contra *œconomia animalis* longe magis congrua sit assertio,
quod *animæ rationalis* suum corpus moveat & dirigat, ac quidem
corpus *se ipsum* per divinam voluntatem & vires à Deo ipsi concessas
actuare & dirigere debeat: an non in ejusmodi *ultima* classis
opinionibus & traditionibus *superstitiones* quædam hæreant, dum
admiratio Dei in falsis qualitatibus *animæ & corporis* instituitur, fa-
cile judicare licet.

§. VII.

Cum in præcedentibus illius *intricati & scandalosi* fermè
objecti & subjecti, nimirum *Motus* mentionem fecerimus, qui
illud *medium* est, per quod anima cum suo corpore commercium ha-
bet, ita in mentem mox incidit, quomodo ipsa *disquisitio* *physi-*
co-medica *Motus* diversis fonticis *superstitionibus* inquinata sit:
quid motus sit & *physici & medici* valde ambigunt, interim utrique
sine motus *confortio* parum explicare & *demonstrare* possunt;
quare optandum esset, ut in motus *Theoria* *clariores & solidio-*
res animadversiones & propositiones constarent: inter alias
vero de motu obvias assertiones nobis illa non parum *superstitio-*
ni favere videtur, quando ipse motus *essentialiter materialis* esse de-
claratur, aut quando pro *principali qualitate*, proprie & proxime
materia competente, aestimatur; hinc in familia & *genealogia*
motus ut plurimum vires *materia & corporum* perorantur, inde in-
notuerunt illæ opinioniones, motum esse certam vim, certum ni-
sum à Deo *materia* inditum, è *materia* expirantem, aut
certam *facultatem* per voluntatem Dei *materia* in & adhæ-
rentem: cum itaque à motu tantæ alterationes & *mu-*
tationes pendeant, motus vero ex *prosapia materia* de-
rivatur, hinc animus plurimorum ad *materias* trahitur,
inde oriuntur *confusiones* inter *agens, actum, effectum & patiens*:
hinc illæ *perversæ causarum complicationes*, ut *actus & successus* sub
certis *directionibus & salutaribus destinationibus* comprehensi,
for-

fortuitis, turbulentis, confusis, accidentalibus, merè noxiis & absolute præternaturalibus processibus adscribantur: non quidem de eo jam disceptamus, quanti ponderis sit illud argumentum immaterialitati motus oppositum, quasi motus extra materiam concipi non possit, cum tamen idem fatum premat considerationem motus in materia, ut æque minus quisquam de motu qua tali in materia aliquid crasse concipere queat, ac de motu extra materiam concipere integrum est: neque illud argumentum motum quoad essentiam materiale reddere poterit, alias Deus, angeli, spiritus, anima, quia cum materia congregiuntur & in materiam operantur, materiales essent & per consequens nihil immateriale deprehenderetur: minime enim pro essentia materiali motus militat assertio, quia motus in & cum materia conjunctus observatur, aut quia motus in materia evidentiora phaenomena prodit, ergo motus est materialis, qualis conclusio logice æstimated falsa & inadequata est: & hæc ipsa opinio de motu superstitionem olet, dum perperam materiales facultates adscribuntur, quæ ipsi minime propriæ sunt, sed quæ materiis iterum ex illa persuasionem imputantur, quasi Deus voluerit aut potuerit motum materiale & materiis proprium efficere; inde evenit, ut nonnulli sapientiam Dei ex falso principio admirentur & venerentur; imo hinc mirum esse non potest, cur ex ejusmodi superstitionis opinionibus aliæ aniles traditiones oriantur, velut si motus est materialis, cogitatio vero est motus, ergo cogitatio est materialis: aut si motus est materialis, intellectus vero & ratio est motus, ergo capacitas intelligendi & rationem exercendi cadit in materiam: & quæ variæ aliæ parallele conclusiones ex eodem fonte passim profluunt, quas singulas recensere neque tempus neque propositum nostrum permittit, cum tantum præsentis considerationis atque thematis brevem delineationem suppeditare placuerit.

§. VIII.

Huic præmissæ disquisitioni mox ad latus ponimus aliam, quæ superstitionum medicarum numerum auget & quæ non multum à præcedente distat; videlicet in communi schola physicorum

corum & medicorum materia attribuitur qualitas quod sit *activa* & se ipsam moveat, quod facultatem habeat aliquid producendi, quod tota essentia ab eadem discrepat, hinc vires materialium tam mirifice deprædicantur, inde sapientia divina in admirationem ducitur, quod materia tantam potestatem concefferit; exinde innotuerunt illæ formulæ loquendi, quod materia habeant *nisum*, *renisum*, *repugnantiam*, *tendentiam*, quod omne grave tendat deorsum & ad centrum terræ, quod materia sit *inditus* & *concreatus motus* & pro salvanda tali assertione denuo inclaruit provocatio ad Deum, quasi hic voluerit, uti potuit, materiam esse activam, quasi omnis materia per potestatem & voluntatem dei habeat vires motrices: at cum motus non sit materia, sed sit aliud quid, quam materia & materia vicissim non sit motus, tunc ferme nihil aliud superest pro adumbranda & coloranda illa assertione, quasi materia habeat motum proprium, quam Deum hoc ita voluisse & hinc facile inclarescit *superstitio*, qua Deo plus imputatur & de eodem plus creditur, quam quidem vel demonstrari potest, ac alias revelatum est: nos materiam principalius mere passivam esse scimus & motus aliunde materiae supervenire vix dubitamus, id quod, si propositum nostrum permetteret ac inferret facile demonstrare possemus: ex hac enim assertione, quod materia per se sit activa, promanarunt multæ confuse & obscuræ opiniones, è quibus principalis illa est persuasio, quæ è schola Cartesii præcipue prodiit, quod animalia viva sint automata: hinc plurimæ rationales directiones & finalium respectuum necessariæ considerationes evilescunt, proinde illæ qualitates quæ ad causam immaterialem spectant, confunduntur cum animadversionibus physicis, adeoque philosophia moralis cum naturali male commiscetur, cum tamen qualibet distinctè tractata & applicata in Theoria medica non leves aut exiguas utilitates promittat: multum enim præjudicat & indoli motus & energie principiorum immaterialium moventium, si materiis facultas motus generandi & producendi adscribitur, inde illorum principiorum dignitas minuitur, quando in iisdem illæ vires non ex-

C

plo-

plorantur, agnoscuntur & inculcantur, quæ in iisdem observantur & cum quibus *Deus eadem* instruxit, quod *primario* esse debeant principia *moventia*; contra vero *materia plus* imputatur & in eadem æstimatur, quam quidem ullo modo & solida ac evidenti ratione probari & demonstrari potest: & tale hyperorama *superstitionibus* medicis *theoreticis* accensemus, quod propterea aliqua *emendatione* indiget, quo veritates medicæ *meliori ordine, nexu, fundamento, discretionem, perspicuitate & utilitate* gaudeant atque fulgeant: ita fiet ut magis innotescat quid sit motus, quidve materia, quid sit agere, quidve pati.

§. IX.

Medicis *Superstitionibus* porro annumeranda est confusa & obscura *Theoria de Natura humana*, quando vel *incognita* quædam principia pro *natura* declarantur, vel quando paulo magis *conspicuis* subjectis illæ *functiones, natura* competentes, assignantur, quæ tamen cum illorum *facultatibus* nullo modo conveniunt: quid quæso *Archeus* aliud est, quam tale *idolum, spectrum & phasma*, quod *naturam* præsentare debet, de quo nulla *evidentia & certitudo* constat, quid sit, an sit, quid possit, unde sit, ubi sit & quomodo ab aliis principiis differat, & nisi indicaretur quod *Archeus naturam* præsentare debeat, sane hæc *theoria naturæ* nil nisi *glaucoma* esset: interim multi hunc *incognitum Deum*, aut rectius hoc *vanum idolum* venerantur, eidemque *miras facultates* adscribunt, cum alias *non entium*, sicut *Archeus* est, nulla dentur *predicata*: quare ad minimum *Archeus* denotat illud principium, quod *naturam* *representare* debet, quod vero medici *ignorant*, quale sit, unde ne *communi & simplici Naturæ* nomine id exprimant, *Archeum* nominant: sicut *superstitiosi ethnici verum Deum* sub *multiplici perversa notione & figura* venerantur: non minus subinde *evidentem superstitionem* olet, quando *diversis partibus, diversi directores* aut *peculiares naturæ* assignantur, quæ tantum cum *certis denominationibus* exornantur, interim parum subinde curatur, an eidem etiam *realia & existentialia* subjecta, an tantum *entia rationis & chimæra* sint: interea talia principia in
theo-

theoria medica supponuntur, *singuntur*, creduntur & propa-
gantur, cum tamen nil nisi *umbra rationis* & *lulus* atque *fæ-*
tus phantasia existant: ejusdem *furfuris* est *triplex* illa *anima*,
quæ in *philosophica* & *medica* schola declamatur, è quibus a-
nimabus, *rationalis existentia* sua se comprobatur, *vegetativa* vero
& *sensitiva spuriam* phantasiæ & imaginationis sobolem consti-
tuunt: interea eruditi *tot animas* venerantur & *cæco* animo
credunt, quasi *Deus tres animas* creaverit easdemque *tantis vi-*
ribus instruxerit, quæ tamen è *nudo præjudicio* excogitatae sunt:
exinde prodit *falsus* atque *superstitiosus* cultus *divinus*, dum ite-
rum *plus Deo* attribuitur ac quidem *revelatio* & *lumen rationis*
credere permittit: exinde enim oriuntur *tot animarum* ac o-
perationum in *vivis* subjectis occurrentium *confusiones*, ut
quod *rationi* adsignandum esset, *alteri* cuidam *obscuræ causæ*
adscribatur & ita in *infinitum* veritas opprimatur: hisce senten-
tiis annumeranda est *antiquorum* traditio de *calido innato*,
quod *naturæ* vices supplere debet, quod pro *Sacro* velut ente
celebratum prostat & idem significare debet ac principium
vitale: etenim dum *vita* sese cum *calore naturali* manifestat,
sub quo *conservatio* & *augmentatio naturalis* procedit, hinc *calo-*
rem aut sic dictum *calidum naturale innatum* pro principio *vita-*
li declarabant & sub hac *crassa ignorantia* & *confusione* apertam
superstitionem committebant, dum *attributa*, *adjuncta*, *fa-*
cultates & *consecutiones* pro *causa principali* æstimant & divul-
gant.

§. X.

Et quanta non *Superstitio* premit *iocosam* illam *Theori-*
am de *Spiritibus*, sive *vitalibus*, sive *animalibus* sive *aliis*: ita
enim ex illo *præjudicio*, quod *anima* nullum *immediatum com-*
mercium habeat cum *corpore*, ejusmodi entia *singuntur* animæ-
que subjiciuntur, quibus uti ipsa debeat, quando corpus
suum movere contendit: quare hisce spiritibus tam *miraculose*
facultates imputantur, ut vel leviter attendenti animo mox
compareat, quantæ *fabule* cum iisdem *spiritibus* ludantur:
inde prodiit *superstitio*, quod hisce non entibus adscribatur fa-
cul

cultas *movendi* & quod magis est, facultas functiones *vitales*
 administrandi & tam extreme *corruptibile* corpus *conservandi*
 & à putredine *præservandi*, tot *inimicas* causas *diversæ* qualita-
 tis, *essentiæ* & *efficaciæ* subjugandi, *condigne* tractandi & expu-
 gnandi &c. ut merito quisquam percontari debeat, unde hi-
 sce *Spiritibus* tanta notitia & *sapientia*: neque quidem ullius va-
 loris est horum *Spirituum existentiam* ex certis *allegoriis* proba-
 re, proptereaque eosdem cum variis *denominationibus* sive *succi*
nervei, sive *liquidi nervi*, sive *Gignatum* (uti *Daniel Major* eosdem in
disputatione de arumnis gigantum vocavit) sive *fluidi nervi ætherei* &c.
 exornare: cum *simplicissima* illa sit demonstratio, quod *spiri-*
tuum parentes sint *præjudicium* & *superstitio*: si enim anima in-
corporea corpus *immediatè* movere non potest, quodnam erit
medium per quod anima *spiritus corporeos* movere & impellere
 deberet: nonne ex hoc errore *prodit recursus in infinitum*, cum
 tamen *vicissim infallibile* sit *phænomenon*, quod anima omni-
 no *potestatem* habeat *movendi corpus*! *superstitio* itaque est,
 quando *negatur*, quod anima corpus movere possit, hinc
accumulatio superstitionum est, quando per *lulum phantasiæ*
 supponuntur & obtruduntur ejusmodi *vicarii actores animæ*,
 quorum tamen *existentia nulla* est; quare *vanitate* & *sterilitate*
 plena est tota *theoria de Spiritibus medica*, quæ sub *specioso* ti-
 tulo & *splendida assimilatione* omni tamen *solido* fundamento
 destituta existit, qualis *character* merito ad *superstitiones* appli-
 cari potest: nam quæso! credere *materias*, quæ dicuntur
Spiritus & illas *activas*, ex anima primum *impulsum* recipien-
 tes eundemque postea *dirigentes*, *continuentes* & *rationabili-*
ter applicantes, cum anima *moralibus* & *patheticis* commotio-
 nibus *consentientes*, ad anima nutum & *arbitrium* in *voluntariis*
 motibus operantes, adeoque de *intellectu* participant, quæ
 tamen nullo alio modo demonstrari possunt, quid aliud
 quam *superstitio* & quidem non levis & subtilis, sed *crassa* at-
 que *palpabilis*, quæ propterea in *vera* & *rationali* theoria omni
 studio *evitanda*, est: & quis non erubescat Deo imputare
 velle, quasi ipse ejusmodi *Spiritus creaverit*, quos petulans
 phan-

phantasia excogitavit, unde tanto magis illi *crassam* superstitionem committunt, qui *existentiam* Spirituum è divina revelatione evincere & demonstrare audent.

§. XI.

Præter hætenus commemorata Superstitionum medicarum theoreticarum specimina, quoad *fundamentales* suas considerationes perlustrata, merito adhuc annotari debet illa *confusa* corporis humani explicatio, quasi hoc *tantis* viribus præditum sit, quibus *se ipsum* in variis *morbidis* afflictionibus & motuum vitalium *alterationibus*, corrigere, *emendare*, *meliorare* & *curare* possit & id quidem per potestatem & *voluntatem* divinam, vel secundum *stylum* loquendi & *communem* errorem atque grande *asylum* physicum, quasi *materia* sit *activa*, aut quasi *motus* sit *essentialis* *materiae* *proprietas* etenim cum per *rationem* sanam neque concipi, neque demonstrari queat, quo *materia* in genere *per se* movere possit, hinc *proh dolor* voluntas Dei talibus opinionibus & traditionibus *patrocinari* debet: ast quis quæso citra credulitatem, præjudicium & præcipitantiam concipere & hariolari poterit, quod corpus *lesum* *se ipsum* *reparare* valeat! nullum sane in *tota* *rerum universitate* *parallelum* phænomenon occurrit, quod corpus *destructum* atque *lesum* *sibi ipsi* succurrere queat, nisi interdum è *rarissimis* & *accidentalibus* effectibus atque eventibus *tale* specimen allegari possit, quomodo *turbulenti* *motus* *salutarium* finium atque effectuum *causam* subministraverint: sed quis non facile agnoscat, quod hæc exempla ad tot *numerossimas* curationes morborum *spontaneas*, horumque *processus* plane non *applicari* possint: ecquis non facile per simplicem *rationem* convinci poterit, quam *contraria* & aures atque animum offendens sit assertio, quod corpus *destructum* & in illis qualitatibus, quibus *se ipsum* *reparare* deberet, *lesum*, *nihilominus* *se ipsum* curet, licet in *tota* *rerum natura* nullum *tale* exemplar occurrat, quod *tale* subiectum, quod *violatum* & *lesum* est capacitatem habeat, *se ipsum* *emendandi*, unde *ircommuni* *rerum naturalium* cursu contingit, ut subiecta *lesa*

*alterius auxilio & ab extra superveniente directorio indigeant: lesum enim reparare velle, involvit per sanam rationem notitiam lésionis, cognitionem methodi, qua læsio reparari debeat, intellectum mediorum & adminiculorum, quibuscum læsio reparanda est & scientificam atque rationalem capacitatem applicandi hæc media ad illum proportionatum finem, qui reparationi læsionis competit: has singulas vero læsionum curationum essentielles & necessarias qualitates illi corpori, etiam nolentes, imputare debent, qui asserunt, quod corpus se ipsum curare possit: quoniam vero nulla ratione demonstrari potest, quomodo per vires & ordinem naturæ possibile sit, quod corpus talibus qualitatibus instructum existat, hinc nihil aliud nisi illud ultimum refugium superest, quod Deus hæc ita fieri voluerit & has esse leges divinas: quasi res optime acta sit, quando tales paralogismi & naturali ordini contrarii effectus divine voluntati ludicre imputantur, tali ratione cum voluntate Dei ludere velle religioni ducimus: etenim cum in tota rerum natura subiecta læsa amiserint qualitatem, quæ ad illorum integritatem præsentem spectant, quomodo quæso eadem subiecta possideant peregrinam & extraordinariam qualitatem, qua se ipsæ sine alterius directione meliorare & à læsione liberare queant: & secundum has considerationes breviter tantum delineatas atque propositas declaravimus, quo jure talem assertionem superstitionibus medicis theoreticis annumere-
mus.*

§. XII.

Eximia & ridicula Superstitio est, quæ in Theoria & Pathologia Vermium deprehenditur, quales speculationes passim in physicis æque ac medicis contemplationibus atque tractationibus occurrunt: quod enim ipsa cariiosa & verminosa talia theoremata attinet, tunc sane in aprico est, quanta voluptate phantasia cum vermiculis modo caudatis, modo capitatis, in semine & sanguine obviis versetur & quam jocosa theoriæ generationis animalis & morborum fingantur: ubi ut plurimum in hoc negotio res ita succedunt:

succedit, ac cum *superstitiosis & timidis* hominibus, qui tot *spē-*
tra metuunt, eademque *toties* conspexisse commemorant,
 qualia tamen *alii*, qui neque *ita* superstitiosi, neque *ita* timi-
 di sunt, *vix facile* observant: ita ut plurimum illi, quorum
phantasia cum *vermibus* oppleta est, *ubique* vermiculos sibi
imaginantur, quos tamen *alii* à *superstitione & præjudicio* tali
 opinione atque imaginatione *liberi* rarissime reperiunt & con-
 spiciunt: quo loco tamen minime negamus, quod ex *acci-*
*dent*i in ejusmodi liquorem *fermentativo & putrefactorio* motui
 valde obnoxium, quando aliquandiu *liberiori* aëri expositus
 fuit, vermiculi insinuentur, qui tamen deinde sæpe & per-
 peram ex *superstitione essentialibus* horum liquorum qualitatibus
 & principiis annumerantur, indeque è falso tali *fundamento*
 varia falsa *theoremata* conficiuntur atque in *theoria physica* at-
 que *medica* declamantur: neque etiam negamus quod *serminia*
 vermium cum *impuro* cibo & potu ingerantur & quod in
impuris succis ex ejusmodi seminiis vermiculi generentur, qui
 tamen minimè ad *essentiam* mixtionis animalis referendi sunt:
 neque etiam hoc negamus, quod *interdum* varii vermes in *di-*
versis corporis animalis partibus & regionibus inveniantur,
 propterea tamen illi vermes minime *essentialem* partem corpo-
 ris animalis *constituunt*: illud vero etiam subinde negari non
 potest, quod *non omnes* historiæ, quæ de *vermibus* talibus
 recensentur, *veritati* respondeant, sed quod *multi* passim vermes
 è *phantasia & superstitione* generentur: quidni itaque *fada* *su-*
perstitio fuerit, ex ejusmodi *ravioribus & accidentalibus* vermium
 observationibus mox ad *generalem* quandam ætiologiam con-
 fugere velle: *phantasia* quidem tales contemplationes & in-
 ventiones admiratur, sed ipsa *seriosa & venerabilis veritas* à jo-
 cosis & *comicis* talibus explicationibus abhorret & tales specu-
 lationes ut plurimum otiosis, sterilibus & curiosis laboribus
 committit, neque de eo contenta est, quando tantum *externi*
sensus atque *phantasia* saturantur: si itaque in talia *subiecta*
cardo, forma & genuina ratio alicujus negotii & actus *vitalis*
 conjicitur, quorum tamen *constitutio* *longe alterius* indolis
 exi-

existit, quidni in tali theoria committatur *superstitio*, ubi *plus* creditur, aut ubi tam *ridicula phantasia* pro *indubio* fundamento agnoscuntur, quam quidem & ratio attenta & solida observatio permittit: quis enim credat *Deum voluisse*, quo sanguis, sperma &c. è *vermiculis* consistat, ob illam causam, quoniam microscopi & microscopi gloriantur, quod in hisce humoribus vermes conspexerint: hinc iterum Deo *longe aliud* quid imputatur, ac quidem *ipse actu* præstitit, quare sub tali deductione hanc Theoriam de vermibus addita quadam limitatione *superstitioni* medicæ adsignavimus.

§. XIII.

Ecquis fusius enarret illas *superstitiones*, quæ ex *antiquitate* passim & sparsim *posteritatis* animos occuparunt, sicut obsoleta theoria de *spermate deciduo* testatur, quasi à qualibet singulari corporis humani parte tale *seminium* secedat & decidat, quod in *spermatis colluvie* coacervatum, denique ad *totum hominem* constituendum contribuatur, ut quodlibet *seminium speciem* suæ partis proferat: sed quis hanc traditionem pro veritate agnoscat? quis credat quod tale *seminium deciduum* detur, quod partium *singularium* species in tale *seminium* sit *concentrata*, quod secundum partes *figuram, numerum, nexum* &c. tale exactum *seminium* decidat &c. &c. unde prudentiores *posteritatis* animi hisce *fabulosis* opinionibus vix patientes aures præbent, cum facile inclarescat, quam *frustra* in tam fontico *generationis* actu talia supponantur & quam perverse ordini *divino* hæc imputentur, quasi Deus hæc ita constituerit, quæ *phantasia* sibi præfigurat: similis *superstitiosa* opinio in negotio *generationis* occurrit, quando nonnulli ad mentem *Paracelsi* adstruunt, quasi in semine humano prima humani corporis *lineamenta* aut rudimenta, sive *idea figurativa* lateant, quæ in subsidium *difficilioris* illius conceptus supponuntur, quando per rationes *physicas & mechanicas* demonstrari non potest, quomodo è primo quodam *puncto* tam elegans, formosum & proportionatum corpus *formari* & strui queat, eapropter præcoci pruritu *tales idea* finguntur & supponuntur.

nuntur: exinde elucescit, quomodo è crasso quodam præjudicio tales icones humani *semini* affingantur: æque ac in seminibus *vegetabilium* per merum *phantasia lusum* species effiguratæ & quasi *integræ* arbores, frutices ac herbæ delineatæ supponuntur, quibuscum reliquam *germinationem* & illius subiecti *augmentationem* adumbrare quidam contendunt; cum non nisi *stamina* quædam aut filamenta in *nonnullis* seminibus obferrentur, quæ tamen minime figuram illam *specificam* illius vegetabilis subiecti continent, sed tantum *prima* rudimenta pro *radicibus* construendis subministrant, ac in ovo gallinæ ceo in micula illa prolifica, filamenta conspicua minime pullum gallinaceum præsentant, sed tantum *prima indistincta* rudimenta pro *vasis sanguiferis* suppeditant: quando itaque ex ejusmodi *obscuris* filamentis, quæ in continuante constructione & generatione ad *diversas* species formandas applicari possunt, *ideæ* tales effinguntur, quid aliud talis opinio & *imaginatio* pariat, quam sordidam *superstitionem*: quod vero tales traditiones superstitionum classi annumerari mereantur, exinde inclarescit, quod *simplex* atque *alius ordo* *divinus* cum ejusmodi figmentis & imaginationibus humanis confundatur, cum nulla *necessitas* postulet, quo seminibus talis *figurata* idea, *speciem* hujus subiecti repræsentans, inexistat, quoniam *reliquiis* generationis & germinationis processus in hisce suppositis *rudimentis* & lineamentis *parum* emolumenti invenit: dum itaque *citra* ullam *rationem* tales ideæ creduntur & supponuntur, *ordo* vero generationis longe *simplicior* & *sincerior* est, hinc vix facile talia theorematata notam *superstitionis* evitare poterunt.

§. XIV.

Inter alias *Superstitiones medicas theoreticas* notari porro debet, illa traditio quæ circa *vite* explicationem vulgo circumvolat, quasi *vita animalis* ab aliqua *balsamica* substantia corporis, partibus *solidis* & *fluidis* intermixta, pendeat, quæ opinio ex illa *analogia* ortum traxit, quoniam *nonnulla* subiecta *balsamica* corpus animale à putredine arcent, hinc conser-

D

vatio-

vationem corporis *vitam* cum *physica* nonnulli *confundentes* judicant, quod *vita* nitatur tali subtili *balsamatione* corporis, ob quam nulla *putredo* invadere valeat: error vero hæret in *confusione* conservationis corporis: *alia* enim est *conservatio* corporis quæ competit illis *usibus* & applicationibus, quibus corpus *functionibus humanis*, animalibus, *vitalibus* & naturalibus subeundis quadrat; at *tales* qualitates à conservatione *physica* & *balsamatione* corporis expectari minime debent, interea tamen ex *antiqua* quadam opinione nonnulli credunt, quasi subtilistalis *Balsamus* corpori inexistat, cum tamen sub *motuum* vitalium concursu hic suppositus *Balsamus* longe *minimam* vim habeat: dum vero de *subjecto* quodam, cujus *existentia* nulla est, id creditur & supponitur, quod *vitam* constituat & subinde ordo & modus *vite* longe *alterius indolis* existit, hinc traditio talis de *vita* perversa *superstitionem* olet: in hanc classem pertinet *pomposa* & altifona *vite* definitio quam *Paracelsus de vita longa Lib. 1. c. 1. Lib. 4. c. 7. & Nat. rer. Lib. 4.* proponit: Das Leben des Menschen ist nichts anders / dann ein astralischer Balsam / eine balsamische impression, ein himmlisches unsichtbares Feuer / eine eingeschlossene Luft und ein eindringender Salz-Geist. Ejusdem valoris est *vulgaris traditio allegorica*, quod *sanguis* sit *thesaurus vite*, quasi in *sanguinem* *reposita* sit *vita*, quæ ex eodem in *reliquum corpus* *effluat*: inde *sanguini* tanquam *subjecto* admodum *corruptibili* frustra attribuitur, quod *vitam* *contineat*; cum rectius *vita* in *comparatione* & *relatione* ad *sanguinem* sit *adventitia* qualitas, per quam *ipse sanguis* à corruptione *arcetur*: & licet de *reliquo sanguine* pro *motibus vitalibus* necessarium sit *subjectum*, tamen propterea nimis præcipitatum esset assertum, quod in *sanguine*, tanquam in *thesauro*, hæreat *vita*, quæ *metaphorica* & *allegorica* sententia propterea *aliquid superstitionis* involvit, sicut non raro ejusmodi *superstitiones* cum *allegoriis* exornantur: hac ipsa vero traditione creditur, quod *sanguini* *vita* *inexistat*, quæ declaratio tamen nullo *distincto* & *evidenti* conceptu prædita, sed ita *obscura* est, ut *alia superstitiones*

nes vulgo esse deprehenduntur: & quid dicamus de *communi* illa opinione, qua *sanguinis spirituascentia* declamatur: haud enim *difficile* est, quin hæc sententia superstitionibus accenferi queat: etenim quando sanguinis spirituascentia allegatur, tunc *idem est* ac si dicatur, quod sanguini inexistant ejusmodi materiæ *spirituosæ motrices*, quæ vulgo sub *Spirituum* appellatione deprædicantur, quorum in præcedentibus mentio facta fuit, *quantæ* vero superstitiones cum ejusmodi spiritibus committantur, non modo superius quadantenus demonstratum fuit, sed tota theoria medica facile testatur: ita enim de tali spirituascentia medici *plus sperant* meliusque sentiunt, ac quidem *simplex ratio & observatio* credere permittit: nam *materialis* talis spirituascentia sive *salina* sive *sulphurea* indolis sit, plus ad *destructionem*, quam *conservationem* mixtionis animalis contribuit: ni denuo supponatur, quod eadem spirituascentia motum *vitalem* tam fluidarum quam solidarum partium *adjuvet*: ubi minime negamus, quod illa motum sic dictum *intestinum & dissolutorium*, sed non *exquisite vitalem*, promoveat: hinc ejusmodi qualitati sanguinis tales qualitates attribuuntur, quæ *alias ordini naturæ repugnant*, adeoque *attributa materialium & immaterialium* subjectorum confunduntur, qualis confusio propterea in classem *superstitionis medicæ* incidit.

§. XV.

Et quis singulas *theoreticas Superstitiones* medicas enaret, cum illarum numerus immensus sit, sicut hætenus aliquot *cardinalia* specimina talium superstitionum proposuimus: sed priusquam nonnullas practicas superstitiones recensamus adhuc præcedentibus famosam illam superstitionem, quæ circa *Incantationis* titulum occurrit, adjungemus: non quidem ita *absolute* omnem incantationem negamus, *eximium* tamen illius numerum *Superstitioni* adscribimus: quid quæso *usitatus* est, quam morbos corruptos, complicatos, *anomalous*, confusos, mixtos, incongruos, ex *hereditate* interdum natos, *incantationibus* adjudicare: quot non pathemata è *mensum* negotio prodeuntia, cum *vermibus* complicata, ex *animi*

pathematibus genita, fascinationibus & *supra naturalibus* viribus adsignantur? quid quod non raro sub hoc pallio stupendæ energię, eximia ignorantia, sub hac pelle leonis nonnunquam abjectus & scabiosus asinus latet: unde nonnunquam *simplicissima* causę *naturales* pro *demoniacis* potestatibus venditantur: propterea vero *non valet* consequentia, quod *omnes* causę *sint naturales* & *nulle* dentur *supranaturales*; quoniam *commercium virium* *supra naturalium* cum *naturalibus* adeo penitus negari haud potest: sed dum tam *fugitivè* citra ullam adhibitam *prudentem* quorundam effectuum inquisitionem & *sufficientem* indagationem atque *comparationem* fascinationes accusantur, quid aliud hoc est, quam crassa & cœca superstitio, quando *timida*, *otiosa* & *impatientia* ingenia mox ad hoc *phasma* & spectrum provocant & ita præter ullam rationem tam *horridam* causam & energiam expavescunt, adeoque interdum *propriam suam umbram* metuunt & averfantur, i.e. causas & influxus *naturales* pro *supranaturalibus* æstimant, hinc superstitionem cum superstitione & per Beelzebub principem dæmoniorum ejiciunt dæmonia, i.e. varias *superstitiosas curationes* in usum trahunt, ut ex uno *peccato theoretico* multa alia peccata velut *incredulitas*, *diffidentia*, *dubitatio*, *suspicio*, *desperatio*, *tentatio*, &c. generentur: & talis superstitio tam in *morbis infantum*, quam *adultorum* passim viget, quacum interdum reliqua *inscitia* & *imperitia* occultatur: & si paulo curatius *vires* & *aberrationes animæ humanæ* perquirerentur, sine dubio tunc inculpatæ & accusatæ fascinationes paulo *infrequentius* occurrent: sed dum *energia animæ* in corpus *otiosus* indagatur, aut ob *alias steriles speculationes* plane oblitteratur, mirum vix esse potest, cur ex ejusmodi *subtilibus* theoriis tam *crassa* superstitiones oriantur: etenim si *materiarum vires motrices* evilescunt & *subtilitates physica* ad explicanda diversa phenomena *non quadrant*, tunc nonnulli ita *contumacis*, *dura*, *dira* & *refractaria* indolis sunt, ut lubentius ad diabolum confugiant & provocent, quam ad *animam humanam*, quoniam *hujus commercium* cum corpore in theoria physica adeo *exosum* est,

est, ut facilius *diabolo* locum concedant in classe causarum & concursuum ad *alterandum corpus animale*, quam *anima humana*: hinc ille paralogismus innotuit, quod *anima non possit movere corpus*, quia inter *immateriale & materiale* non datur commercium: at *diabolo* conceditur in casibus *extraordinariis*, quod *corpora* alterare possit, licet *ordinariè anima & corpus animale humanum* cohabitent: quanta vero in hisce opinionibus hæreat *superstitio*, facile sane inclarefcit: neque quidem in *hodiernis ævis* ejusmodi *superstitiones* vigent quin ipse *Hippocrates* suo tempore tam *ludicram supranaturalium virium* accusationem reprehendit, quando de morbo *Sacro* dicit, quod homines omissis naturalibus causis ita præcipitanter ad *divinas* confugiant: quare mox in initio *Libr. de Morb. Satr.* dicit: *Morbus sacer naturam habet, quam etiam reliqui morbi, unde fit; homines vero naturam & causam ejus divinam esse putarunt præ in- experientia & admiratione, propterea quod reliquis morbis nulla re similis est; & per inopiam quidem quod non cognoscunt, divinitas ipsi conservatur, per abundantiam vero & parabilem modum sanationis medentur: exolvuntur enim aut expiationibus aut incantamentis: si vero propter admirationem divinus censetur, multi morbi sacri erunt & non unus: paulo post pergit: ceterum qui primi hunc morbum sacrum esse pronunciarunt, tales homines mihi esse videntur, quales etiam nunc sunt magi & expiatores & circulatores & quidam arrogantes, qui se vehementer pios esse simulant & amplius quid scire: hi itaq; consilii ac mentis inopia obvelantes ac pratexentes divinitatem, quam nihil haberent, quod exhibitum prodesset, ut ne manifeste fieret ipso- rum ignorantia, sacram hanc affectionem esse pronunciarunt & ratio- nibus idoneis collectis curationem constituerunt sibi ipsis securam expia- menta offerentes & incantamenta: quo loco Senex superstitionem antiquorum, quæ cum superstitione posteritatis convenit, exi- mie & egregiè delineavit.*

§. XVI.

Proxima consideratio ducit nos ad alteram thematis no-
stri evolutionem, licet in priori parte adhuc varia & multa spe-
cies

cies superstitionum medicarum indicari queant: placet itaque nunc *nonnullas Superstitiones* significare, quæ in *Praxi medica*, sub specie rationalis medendi methodi, occurrere solent: haud tamen nobis animus est *longa serie remedia* superstitiosa commemorare, qualis labor in spissum opus excresceret, quare in præsentē *altera animadversione* iterum *brevitati* studere cogitamus: mox vero in limine hujus practicæ disquisitionis superstitionibꝯ annumeremus communem curam pro *longævitate* concilianda per varia experimenta usitatam, quasi *remediis* virtus illa *inexistat*, quod vitam longam efficiant, cum tamen *communis usus* atque observatio doceat, quomodo illi homines, qui ad seram senectutem pervenerunt, non modo *rarius* ægrotaverint, sed & infrequentius *medicamenta* usurpaverint: unde nobis illud *paradoxon* arridet, quod homines *multum & multis medicis & medicamentis* obtemperantes, raro *longam vitam* nanciscantur & vicissim non modo in *adversa valetudine* confirmantur, sed & ad *prematuram* mortem præparentur: cuicunque enim *œconomia vite* exactè constat, ille non facile sibi persuadere poterit, quod *unum remedium* tot viribus & virtutibus præditum esse possit, quibus *omnibus* vitæ requisitis satisfacere queat: & cum ad vitam ante omnia requiratur vegeta *activitas*, quam vulgo, sub nomine *virium* salutare solent, deinde *organorum* perpetua *aptitudo*, porro *fluidarum* partium congrua *mobilitas* & *solidarum* justa *flexilitas*, præterea *se & excretionum* conveniens, sufficiens & constans *successus*, ut & *ingestorum* legitima *tractatio* & debita *applicatio*, nec non omnium functionum *animalium, vitalium, naturalium & moralium* harmonia, quis quæso ita credulus sit, ut de hoc aut alio *remedio* cogitet, quasi *omnibus* hisce circumstantiis satisfacere queat: si itaque asseritur, *aloen, belleborum, myrrham, oleum, balnea, inunctiones, vinum, aquam* &c. longævitatē conciliare, quis est, cui in tali assertione superstitio non cognita fiat? quamvis enim singula hæc adminicula *aliquid utilitatis* pro vita & sanitate afferant, quis vero adeo *superflue* credat, quasi illa *unice & per se* vitam longam

longam causentur: & cum primario dies & vita hominis ab *al-*
tiori directorio pendeant, tamen ad longævitatē *plures* qua-
litates pertinent, ac vulgo illis adminiculis adesse solent, quæ
ad longævitatē secundum diversam hominum opinionem
& persuasionem commendantur: exinde etiam facile eluce-
scit, quod *talìa* prædicata, quæ de *medicamentis vitam* promit-
tunt, velut *Mercurius vita, aurum vita, oleum vita, pulvis vita,*
plus ferant in titulo, quam in effectu, aut ad minimum hoc or-
natu non *universales*, sed *restrictas* utilitates promittant, uti non
nisi per superstitionem ex ejusmodi *particularibus*, aliquando et-
iam non *contemnendis* remediis, *universalìa* finguntur.

§. XVII.

Præterea *Superstitiosis* curationibus annumeramus *vulga-*
rem præparationem corporis per *universalìa*, quando *promiscue*
in multis morbis præmittuntur tales evacuationes, quæ non
nisi *specialibus* causis atque circumstantiis respondent: inde
contingit ut sæpe curationes inchoentur cum *vomitoriis, purga-*
tionibus, VSmibus &c. deinde vero continentur cum *specialiori-*
bus indicationibus & remediis: haud vero propterea *universa-*
les tales evacuationes *absolutè* improbamus, quin potius testa-
mur, quod *interdum* ejusmodi *excretiones* pro *meliori* *diverso-*
rum morborum curatione cum maximo emolumento *præmit-*
tantur: id tamen *superstitionis* maculam haud declinat, aut ab-
stergit, quando hisce *universalibus* imputatur, quasi morbos
mox in *prima* generatione jugulent, unde sub hac *persuasiōe*
multi *confestim* ad hæc medicamina confugiunt, sed utpluri-
mum affectus adeo *corrumpunt*, ut difficillimus labor sit, quo
tantum *hæc corruptio* emendetur, ut nihil de reliqua *methodica*
morbi curatione dicamus: quicunque itaque sub spe *genera-*
lioris præparationis *confestim* *universalìa* talia *promiscuè* usur-
pant, superstitionem committunt, dum cæca quadam *credu-*
litate vulgares illas opiniones amplectuntur & *plus* de tali-
bus *universalibus* sperant & promittunt, quam impetrant &
conspiciunt: haud vero nobis hoc loco sermo est de *empirica*
& ple-

& plebeja purgationum, vomitionum, sudationum, venæsectionum, scarificationum, vesicatoriorum &c. commendatione, qualis *apertam* superstitionem prodit, dum fatui & vani homines sub *qualicunque* morbosa perceptione, mox ad ejusmodi evacuationes *confugiunt*: interim id magis *vitiosum* nobis videtur, quando de medicæ artis incremento, honore & certitudine magis *soliciti*, Idem committunt & *universalibus* talibus remediis *tantam* fidem & fiduciam largiuntur, quasi illa ita *indiscretim* quorumvis morborum radices extirpare adjuvent: *Seorsim* vero apprehensionem & *reprehensionem* meretur illa *vulgaris* superstitio, quæ cum *V. S.* committitur, ad quam sæpe *cæco* cum pruritu, tamquam ad *Sacram anchoram* multi *promiscue* confugiunt; inde etiam plebeja illa traditio & superstitio innotuit, daß die erste Alderlässe vor den Todt helffe: ea propter nonnulli superstitiosi & creduli homines *V. S.* in *minori* morbo, ad cujus *præoccupationem* tamen omnino quadraret, negligunt & ad *graviores* reservant: sicut vero superstitio est, quando nonnulli in omni ferme morbo *confestim* *V. S.* ordinant, sub illa persuasionem, quo *cor* ventilent, daß man dem Herzen Lust mache / ita etiam eximia vicissim superstitio est, quando quidam in *alterum extremum* ruunt, omnemque *V. S.* usum *metuunt*, averfantur, *fugiunt* & *interdicunt*, sub illo *prætextu* ac persuasionem, quasi vel *bonus* atque laudabilis sanguis subtrahatur, vel simul *vires* & *spiritus vitales* educantur, vel membra *tremula* & *visus debilis* atque obscurus reddatur, man bekomme schwache Glieder / zittern in Gliedern / und blöde Augen davon / quales *traditiones*, quibus non nunquam *medici* auscultant & *adhærent*, omnino de *familia superstitionum* sunt.

§. XVIII.

Superstitionis macula subinde etiam illæ traditiones infectæ sunt, quando aliis *universalibus* remediis, quæ sub nomine *Panacearum* circumferuntur, tam *stupende* & portentosa qualitates adscribuntur, quasi *omnibus* aut *pluribus* morbis percuran-

curandis satisfaciant, cum tamen non modo multi morbi in genere quoad causas suas discrepent, sed etiam singulatim considerati morbi diversis causis nitantur, ut hic valeat illud, quod unius rei plures possint esse causæ: quis vero jam existimet, quod talia universalia, aut omnibus morbis aut singulis causis satisfacere queant? & cum hæc difficultas facile comprehenditur, hinc pro conservanda fama talium Panacearum variæ traditiones, æque superstitiosæ in subsidium ducuntur, quasi talia remedia cor robovent, vires augeant, robur corporis confirment, Spiritus reficiat corpus cum balsamica qualitate imprægnent, putredinem avertant & nescias quid aliud efficiant; quales virtutes propterea ita finguntur, ne fama talium panacearum aliquod dispendium patiat, inde obscurum per æque obscurum proponitur: propterea tamen ejusmodi remediis non omnes virtus denegatur, sed tantum illa universalis utilitas in dubium vocatur: tale remedium febrifugum possidere gloriatur Kergerus, quod omnibus febribus citra respectum speciei, temporis &c. promiscue mederi debet, quod merito sub considerationem ducit: Celeberr. Stablius disp. de preparatione corporis therapeutica §. 43. & quot non quæso passim circumferuntur arcana remedia certis familiis usitata, aut ab iisdem appellationem nacta, quæ ad omnia morborum generacommandantur, adeoque cæco ausu indiscretin adhibentur ac per ludicram superstitionem divulgantur, quid quod aliquando prudentibus artificibus contingit, ut ipsorum utilia & laudabilia remedia præter eorum intentionem nimis late extendantur, & si ubique expectatos & desideratos effectus haud præstant exinde perperam rejiciuntur; de qua abusiva tamen remediorum applicatione & inde nota superstitione latius hoc loco differere minime lubet: deplorandum omnino est, quod inter ipsos medicos superstitiosæ tales remediorum extensiones vigeant: ejusdem indolis sunt remedia prognostica sive ita dicti pulveres vitæ & necis, qualia remedia morbos decidere debent, an ad bonum aut malum eventum tendant, quibus ex nuda superstitione talis eximia & mystica virtus imputatur, quasi extemporanea quadam efficacia ita subito

E
peri-

periculosos morborum eventus eo usque alterare valeant, quo confestim melioratio consequatur; quæ mutatio majori admiratione digna est, quam, quod quid in talibus casibus citius & facilius evenire potest, si talia remedia deteriore morbi statum post se trahunt; sic itaque ejusmodi qualitates, quæ de eventu alicujus morbi *decissionem* facere debent, sed quæ eo ipso *digniori* & *altiori* causæ competunt, subjectis *materialibus* aut ita dictis *remediis* imputantur, quidni in tali traditione superstitionem hære quisquam agnoscat: inde etiam contingit, ut homines talia remedia plus æstiment atque attendant, quam ipsum benignissimum *Deum* hujusque directionem & benedictionem: *conf. Bohnius de offic. med. dupl. p. I. c. 6. p. 139.*

§. XIX.

Curationes illæ *famosæ* inter medicos valde usitatæ, *sordis præservationi* dicatæ, multis etiam modis superstitionis existunt: *fundamentum* harum curationum non quidem *vanum* est, videlicet quod *cor* tam *celebris* & in *œconomia* *vitali* *pretiosa* pars sit, hinc multi in eo *cardinem curæ* positum esse conjiciunt, quo modo *cor præservetur*: inde innotuerunt *cor roborantia* & *cardiaca* remedia, alii *venenum* à corde fugare omni studio an nituntur, nonnulli *cor præmunire* contendunt, ne contagium ad *cor* relabatur, man müsse das Herß verwahren/ das Herß stärken; sed cum *nulla* talia adminicula in penu & *potestate artis* sint, quibus cum proprie & directe talis *intentio* in *actum* duci queat, hinc persuasiones tales communiter *vana*, *plebejæ* & *superstitiosæ* existunt: etenim quamvis talia remedia in *Therapiæ* *suppellectili* reperirentur, tunc sane in *plurimis* morbis hæc *indicatio* *radicem* & *formam* mali non attingerent, ut tantum ex *superstitiosa* & *cæca* æstimatione cordis talia remedia adhiberentur: *similis* *vanitas* atque *superstitio* occurrit sæpe in usu *remediorum pretiosorum* & *auro*, *argento*, *margaritis* aliisque *gemma* paratorum, hinc tot *species cordiales*, *latificantes*, tot *bezoardica solaria lunaria* *similiaque* *medicamenta* deprædicant.

cantur: & cum vulgo hæc metalla *nobilia* atque *gemmæ* in magna *existimatione* & *pretio* civili constituta sint, hinc ut plurimum per *superstitionem* concluditur, quod *eximias virtutes medicas* possidere debeant: cum tamen *usus* & *observatio* doceant, quam unquam *speciales* & *singulares effectus salutaris* cum *remediis simplicissimis* impetrati sint, & quanta vulgo *persuasio* pretiosorum *remediorum* *usum* comitetur: hinc evenit ut *speratos illos effectus medicos* non *medicamentum pretiosum* sed *firma opinio* & *imaginatio* patientis invitaverit; unde non nisi ex *superstitione* hisce *remediis* *virtutes cardiales analeptica nervine* imputantur: quicunque enim sibi non *firmiter* persuadent, quod *margaritæ &c.* has *virtutes* possideant, illis *conchæ præp. oc. cancr. easdem* ferme *virtutes* exhibebunt: porro *superstitionis* *macula* notata est *illa opinio*, quasi *medicamenta per se vim medicam & salutare* habeant, cum tamen *vis illa medicatrix* ut plurimum è *nobiliori* & *altiori* causa pendeat: quod enim communiter *medicamenta* non ex & per se *effectus medicamentosos* producant, sed quod *naturæ humana per & propter remedia illa ut plurimum* operetur, quæ ad *corporis conservationem* spectant, *latiori* & *curatori studio* exposuit D. D. *Præses in Disquisitione medica de medicamentorum modo operandi in corpore vivo*: dum vero multi adeo *superstitione* credunt, quasi *remedia* tantis *viribus prædita* sint, hinc evenit, ut modo satis sæpe *superflue* & *premature* *medicamenta* obtrudantur, sed & ut *celebres curationes per expectationem* & *abstinentiam* *oblivioni* tradantur, & sæpe *natura præter necessitatem* & *utilitatem* cum *artificiosis* *methodis* & *medicamentis* *obruatur*: exinde cum magno etiam *damno* *curationes spontaneæ* sive *autocratia* *naturæ* *obliterantur*, in *sola remedia fiducia* *conjicitur*, *variaque empirica* *medendi ratio* *increbescit*, eo ipso vero *rationalis* *medendi methodus* magis *obscuratur*.

§. XX.

Dum vero de *medicamentis*, tanquam de *instrumentis*

medici artificis nobis fermo est, jta brevibus in eadem consideratione adhuc nonnulla in medium proferre & perpendere lubet, quid superstitionis in commendatione remediorum reperiatur: ast quamvis hujus animadversionis D. D. Praeses disputatione de dubiis vexatis materia medica mentionem fecerit, tamen quaedam hoc loco pro emendatione materiae medicae repetenda sunt: & ita sane materia medica superstitionibus talibus turget & abundat, quando ex vanis quibusdam opinionibus & persuasionibus diversis subiectis mira qualitates affinguntur: generalis omnino superstitio est, quando omnibus subiectis rerum naturalium virtus medica adscribitur: inde nonnulli colligunt & concludunt, quia Deus omnia subiecta certis viribus & qualitatibus instruxit, ergo medicas etiam facultates habere debent: hac ipsa vitiosa & praecipitata argumentatio praecipue in vegetabilis regni commendatione adhibetur, hinc prae mature quidam concludunt, quia omnes herulae certis qualitatibus pollent, ergo medicam illis virtutem inesse, quasi Deus omnes herbas pro usibus medicis destinaverit, aut quasi praeter usus medicos non alii dentur, quos ejusmodi vegetabilia promoveri queant: deinde crassa superstitio est, si pulmonibus vulpis virtus in morbis pulmonum, si intestinis lupi efficacia in colica, si testibus animalium lascivorum facultas contra sterilitatem si cervo vis antidotalis, si ungulae alci virtus antepileptica, si sanguini humano eadem utilitas adversus epilepsiam &c. &c. imputatur, quibus encomiis, si horum fundamenta examinantur & eruuntur, communiter crassa superstitio adhæret, ubi ex plebeja assimilatione & allegoria confestim medicae virtutes inveniuntur & supponuntur: & quantæ non vulgo laudes de lapidibus pretiosis deprædicantur, quod v. g. magnatum gratiam concilient, quod prosperos rerum successus causentur, quod hilaritate promoveant &c. ita ut quilibet prudens vir satis multam industriam adhibere debeat, ne inopinato in tales superstitiones incedat & consentiat: & quid dicamus de illis characterismis & signaturis plantarum,

tarum, quantum in hoc negotio *phantasia* luxuriet & superstitione operosa sit, facile liquet, dum ad diversos morbos satis multa remedia commendantur ex eodem *assimilationis* fundamento, quasi admodum *rationalis* sit assertio, quia hoc vel illud remedium quoad *externam* quandam *figuram* paritatem cum hac vel alia *parte* convenit, ergo *hujus partis morbis* mederi debet, ubi ut plurimum *μετὰ πολλὰς Παντασίας* hæc *assimilatio* instituit: de reliquo candide confitemur quod ubique in *materiae medicae* tractatione magna *circumspectione* opus sit, ne quisquam cum aliquali *superstitione* inficiatur: etenim superstitiones adeo in hoc studio *abundant*, ut vix quisquam in eodem pedem promoveat, nisi talem superstitionem offendat atque calcitret.

XXI.

Et quid dicamus de illa remediorum commendatione, qua secundum diversitatem *influxus sideris* iisdem ad opinionem *Paracelsi, Carrichterii, Thurneiseri, Cardelucii, Hiebneri, Schlegelii* variae *eximiae virtutes* adscribuntur, & tali titulo in *materia medica* deprædicantur, ubi inter alia subiecta hoc loco tantum ad illas *vanitates* provocamus quæ decollectione radicis *pæoniae* proferuntur; an non in tam *subtili* plantarum aliarumque naturalium rerum disquisitione immensæ & multæ superstitiones occurrant, facile judicare licebit: etenim quando nonnulli desiderant, quod hæc vel illa species in hac vel illa domo, hoc vel alio signo hoc vel alio gradu, anni, planetæ, Ecclesiæ colligi debeat, quæ quæso in tali desiderio, *ratio*, quæ *experientia*, quodnam *rationale fundamentum*? quodsi quidam ad usum, observationem & *experientiam* provocent, tunc facile liquebit, *quantum* *valoris* talis *experientia* existat, & an non cum *Chiromantis* & *Geonantis* paria fata subeat: inde facile judicare licet, quantis superstitionibus hæc *theoria astrologica & meteorica* immersa sit, & quomodo hæc *superstitiosa* remediorum æstimationes iterum à *rationali* medendi *methodo* seducant, & ad *fædam* & *cæcam empiriam* invitent; minime vero

de eo *phanomēno* nobis sermo est, quod *diversa* vegetabilium species secundum *differentiam* anni, prout vel minus *succulenta* & *matura* sunt, nunc magis nunc minus *efficaces* & *utiles* existant, sed de eo tantum iudicamus, quomodo *mystici* illi *influxus* materiales *fiderei* secundum *communem* suam theoriam *propositi* nuda *superstitione* nitantur: siquidem homines *ibi* tantum tales virtutes *persuadent*, neque per *ingenuam* *experientiam* probare & *sufficienter* testari possunt, in quo *ratio* *a priori* absolute deficit: ejusdem furfuris est *cura magnetica*, quæ per *allegoriam* hoc nomine salutatur, quasi illius *ratio* & *modus* fiendi *aque obscurus* sit ac *magnetis operandi* *modus* unde non quidem necesse est, quo semper *magneticas* *compositiones* *medicas* *magnes* ingrediatur, sufficit interdum *vetusta felis*, aut *annosus scabiosus canis*, aut *emeritus porcus*, aut *famosa usnea*, inde conficiuntur *remedia stupendorum*, *encomiorum*, prout *Crollius* in *Basol. chym.* tale unguentum *magneticum* describit, de quo *Mappius* in *disq. de remediis superstitionis insignioribus* dicit: nos *missis aliis Crollianam* (loquitur enim de *compositione* *unguenti magnetici*, hujusque formula) *quæ parum aut nihil superstitionis prætermisisse* videtur, *saltem examinabimus*: brevibus tantum hoc loco tanquam in thesi *indicamus*, quod *ut plurimum magneticis* talibus *splendidis* & *speciosis artificiis* non *parum superstitionis* *inexistat*: uti *traditiones* de *pinguedine humana* de *corio humano*, de *usnea cranii humani*, de *Spiritu microcosmi*, de *mumia* facile sub *involucro superstitionis obvelata* deprehenduntur.

§. XXII.

Vix aliam *cenfuram* de *potestatibus Mumialibus* ferre possumus, ubi merito cum *Garmanno* consentimus, qui de *Mirac. Mort. Lib. 1. tit. 2. §. 29.* dicit: *magnetismus mumialis otiosi cerebri commentum est*, è *lacunis Paracelsivis* *haustum* *prognatumque* etenim sub *virtutibus mumialibus* *crassa ignorantia* & *superstio*

tio occultatur, ita ut qui nihil dicunt, & de *mumialibus* pote-
 statibus dicunt, *idem* ferme & sæpe dicant: *terribile* enim mu-
 miæ nomen mox *cæcam* quandam *venerationem* in *credulis* & *su-*
perstitiosis animis excitat; unde *vana* ingenia *mira* dixisse sibi
 persuadent, quando *mumiales* energias, accusarunt: ita etiam
 curæ *sympathetica* & per *transplantationem* institutæ sæpe simili
 superstitione nituntur, hinc homines *plebeji* mox ad tales cu-
 ras confugiunt & ex iisdem promptam & *miraculosam* libera-
 tionem à sua afflictione expectant, in quarum curarum effe-
 ctu sæpe *phantasia* & *imaginatio* plurimum totius negotiï absol-
 vit, inde evenit ut *legitimus* harum curarum usus in *pravum*
abusum & abjectam superstitionem rapiatur: & quot ac-
 quantæ non sæpe excitantur superstitiones cum *signaturis*
formularum præscriptarum, ut si interdum *ingredientia* parum
 utilitatis promittunt, tamen *splendor* & *pompa* subscriptionis
 hominum animos alliciat: quæ non porro *fœdæ* superstitio-
 nes committuntur, cum *periaptis*, *characteribus* *sigillis*, *amuletis*
 &c. quæ ab aliis peculiari studio atque proposito demon-
 stratæ sunt *conf. Casp. Rejes Camp. Elys. quest. jucund. qu. 23. Map-*
pîi disp. de remediis superstitiosis insignioribus Welsibii disp. de super-
stitiosa morborum cura: Deusingii disqis. de morborum quorundam
superstitiosa origine ac curatione: Roberti disp. de superstitione: quot
non superstitiones in uromantia occurrunt, ubi citra ullum
fundamentum interdum sub pretextu observationis & empiriæ
cæco quodam ausu certieffectus & eventus prædicantur, qui
raro hisce præfagiis respondent: superstitio est, quæ com-
mittitur cum imparitate pilularum & guttularum assumen-
darum, cum intermixtione foliorum auri in pulveres,
mixturas: superstitio est quando pulvilli pulsibus & cordis regioni
apponuntur, sub spe & promissione quod immediate vires, cor Spi-
ritus reficiant: superstitio est garrulitate & portentosis suis pro-
missionibus sibi fiduciam ægrotantium conciliant, ut hi ex solo
medici adspectu quasi restitutos se profiteantur, in quo er-
 rore mulierculæ & qui hisce placere gestiunt hærent, su-
 per-

perstitio sæpe latet in nimis *copiosa* remediorum ingestione, quæ cum illa enunciatione proditur: *viel hilfft viel: & quantus campus* superstitionum medico - practicarum pater, è quibus tantum *aliquot specimina* allegare placuit: sufficiant itaque hæc *speciminis* loco protulisse, quare pedem hic sistimus. Deumque rogamus quo Medicinam indies ab ejusmodi mendis & nãvis purget & reliquas *racionales* operationes sua gratia comitetur, cui propterea etiam nostram oppellam & reliquos nostros conatus humillime consecramus.

F I N I S.

